

Vc
2621





ACTUM
CONSECRATIONIS CHRISTIANÆ,
VEL PARENTATIONIS
PUBLICÆ
HONOREM

SERENISSIMÆ PRINCIPIS
AC DOMINÆ,

DOMINÆ
MAGDALENÆ

SIBYLLÆ,
ELECTORISSÆ AC DUCISSÆ
SAXONIÆ, JULIACI,
CLIVIÆ, AC MONTIUM,

NATÆ MARCHIONISSÆ BRANDE-
BURGICÆ, AC DUCISSÆ BORUSSIÆ,
LANDGRAVIÆ THURINGIÆ, MARCHIONISSÆ IN MISNIA,
UT ET SUPERIORI ET INFERIORI LUSATIA, BVRGGRAVIÆ
IN MAGDEBURG, COMITIS PRINCIPALIS IN HENNEBERG,
COMITIS IN MARCA, RAVENSBERG & BARBY,
DOMINÆ IN RAVENSTEIN,

DOMINÆ QVONDAM NOSTRÆ
CLEMMENTISSIMÆ,

NUNC
BEATISSIMÆ,
AD D. IV. MAJI POST HORAM XII.

SOLENNISSIME SUBJECTISSIMEQUE CONCELEBRANDUM,
PROCERIBUS CIVIBUSQUE ACADEMICIS
INDICIT

ACADEMIÆ RECTOR.





Nter causas, quas propter numerus Deorum Dearumq; penes Romuli nepotes in tantum excreverat, vel princeps videri potest hæc, quod Imperatores suos, cum mortales agere in terris jam desiissent, referrent inter Numina, atq; endo coelo, ut olim loquebantur, locatos quam religiosissime venerarentur; idque tum ex summarum Virtutum, queis vivi coruscabant, admiratione, tum ex adulandi etiam studio. Virtutes autem, quæ Consecratione dignæ videbantur, erant istæ potissimum, in antiquis Romanorum numismatibus adhuc elucescentes: Virtus, seu Fortitudo bellica, Pietas & Religio, Fides, Concordia, Justitia & Æquitas, Clementia, Constantia, Providentia, Liberalitas, & Pudicitia. Quæ quia in Foeminis quoque Augustis quibusdam exsplendescabant, factum, ut illæ quoque non minus, quam Imperatores, adscriptæ Deorum ordinibus fuerint. Divæ autem inter Augustas dictæ, testibus Nummis adhuc extantibus, Livia Augusti, Domitilla Vespasiani Uxor, Julia Titi filia, Plotina Trajani Uxor, & Soror Marciana, hujusque filia Matidia, Sabina Hadriani, Faustina utraque, Julia Severi, ejusque Soror Mæsa, Paulina Maximini, Mariniana Valeriani &c. Quid Ceremoniarum in Consecratione ipsa fuerit adhibitum, neminem quenquam Eruditorum temere fugit. Honor autem maximus omnium erat Templum, post Consecrationem exstrui solitum; quem quidem præ aliis obtigisse constat Augusto, Claudio, Hadriano, Antonino, Maximiano, Constantio, & qui his omnibus priores erant, Julio Cæsari, imo & Pompejo; id quod patet ex æreo quodam, eoque rarissimo & longe elegantissimo, numismate. Nam in ejus altera parte Caput Pompeji conspicitur cum epigraphe: CN: POMPEJUS MAGNUS, in altera Templum quadratum octo columnis innixum, cui superne impositum est trophæum, affidenti-

dentibus inferne duobus captivis, & adstantibus utrinque Vi-
ctoriolis; quanquam non templa tantum, sed & aræ, sacer-
dotes, sacrificia, statuæ, columnæ, thesæ, & sellæ Consec-
cratis fuere dedicatæ. Nam uti Numina factos, qui Consecrati
fic erant, superstitiosissimi mortalium rebantur, ita divinis
quoque honoribus post obitum eos prosequi modis omnibus
fatagebant. Viguit autem mos iste Consecrationis apud Ro-
manos tum potissimum, cum plena Idololatriæ & supersti-
tionum Ethnicarum penes eosdem adhuc plena erant omnia.
Posteaquam enim Religio Christiana radiosissimo veluti ju-
bare tenebras istas Gentilium plusquam Cimmerias dispulit,
vanissima quoque & plane Idololatrica illa Solennitas, quæ
Consecratio vocabatur, celebrari sensim desiit. Mansit autem
Instar quoddam Consecrationis istius in honoribus parenta-
libus, qui in Christiana hodieque Ecclesia Heroibus ac Heroi-
nis solent exhiberi. Quamvis enim nihil divinitatis, si justa
id genus peraguntur, tribuatur illorum manibus, Mausolea
tamen, seu Castra, ut vocant, Doloris imaginem quandam
Templorum, vel quadratorum, vel sex aut octo columnis
innixorum, qvalia Consecratis Imperatoribus dedicata fuisse
constat, repræsentare aliquatenus videntur. Horum cum lon-
ge plurima afferri ex recentissima Historia possent, adduxisse
id unum hoc loco sufficiat, quod Serenissimus Sabaudia Dux
& Cypri Rex, CAROLUS EMMANUEL, Taurini III. & IV.
Nonas Martias clō Iōc LXIV, Regiæ Matri, Regiæque Con-
jugi erexit. Illius molem (ut nonnulla tantum splendidissimi
monumenti hujus referamus) inferne conquadratam, superne
in angulosum fastigium gradatim acuminatam, mœstissimæ
Charites atque *Muse* cupressu coronatæ, abjectis propriis
præ dolore Insignibus, columnarum vice sustinebant; supra
autem graduum pyramidalium angulos *Virtutum Omnium*
simulacra consistebant, consimilem doloris sensum vultu
gestuque significantia; referente id ac describente, Emmanuele
Philiberto Panealbo, qui Emmanuelis Thesauri Comitæ In-
scriptiones longe ingeniosissimas luculentissimis notis illu-
stravit. Erat autem ista Regiæ Matris Inscriptio: MAGNÆ
CHRISTINÆ A FRANCIA CAROLUS EMMANUEL
FILIUS INELUCTABILI JACTURÆ VIX SUPERSTES
PIENTISSIMÆ PARENTI PISSIME PARENTAT &c.
Atque huic non multum absimile est monumentum, quod
pien-

No. 2621 PK

pietissimæ Parenti suæ, Serenissimæ nempe Principi ac Domina, Dominae MAGDALENÆ SIBYLLÆ, Electorissæ ac Ducissæ Saxoniae, Juliae, Cliviae ac Montium, natæ Marchionissæ Brandenburgicæ, ac Ducissæ Borussiae, Landgrafissæ Thuringia, Marchionissæ in Misnia, ut & Superiori & Inferiori Lusatiæ, Burggraviæ in Magdeburg, Comitis Principalis in Henneberg, Comitis in Marca, Ravensberg & Barby Dominae in Ravenstein. Dominae nostræ, dum viveret, clementissimæ Filius unicus, jam luctu & ipse implicatus, potentissimus nempe Elector Saxoniae JOHANNES GEORGIUS III, Herus noster indulgentissimus, post æterna cum terrenis hisce ab ea commutata, piissime parentat hætenus, & parentare ulterius decrevit. Et annon *Musa, Charitesque* tam Philuræ nostræ, quam Leucoræ, cupressu ornatae sua præ dolore insignia & ipsæ abjecere? Quid? quod *Virtutes* omnes collacrymari videntur ac lamentari, augustissimo, quo gaudebant hætenus, domicilio collapsio jam destructoque? tot siquidem divinæ dotes, totque excellentissimæ maximæque Virtutes in hac Principe, dum superabat, elucescebant, ut, quam anteferre illi queamus, haud habeamus, perpaucas certe pares existimemus. Quæ ipsæ cum narrando prædicandoque consecrari quasi & dedicari omnino mereantur, pro ea, qua effulget, pietate SERENISSIMUS ELECTOR in honorem pietissimæ quondam, nunc beatissimæ MATRIS Parentalia solennia non ita pridem indixit, eademque tum ab aliis subditis, tum ab hujus quoque Urbis incolis, iisque tam Academicis quam oppidanis, quanta maxima pote, frequentia celebrari quam clementissime voluit. Cui luctui publico cum dies potissimum Maji IV. à Clementissimo PATRE PATRIÆ dictus sit, (nam eopse Celsissimæ Exuviae Freibergæ Hermundurorum, eo ex Electorali Dresda deductæ, splendidissimo Electorum Saxoniae Reqvietorio inferentur) nos PROCERES, CIVESQUE, ACADEMICOS sedulo enixeque hortamur omnes, ut hora XII. diei jam dicti in Templo D. Thomæ quam frequentissimi, & pullatis quidem vestibus induti, conveniant; progressique ex eo in Ædem Nicolaitanam, concioni funebri ea, qua decet, attentione, ut & animi subjectione intersint, Nam in ea *Virtutes* Serenissimæ ELECTORISSÆ de prædicabuntur, & veluti consecrabuntur, quæ tales profecto ac tantæ in superstite exstiterunt, ut non hoc tantum seculum, sed posteras quoque ætates ornare, rapereque in admirationem posse videantur. P. P. Lipsiæ Kal. Maj. clb Idc LXXXVII.

Literis JOHANNIS GEORGI.

ni-
ac
o-
n-
fa-
n-
næ
n-
n-
R-
m
&
m
o-
es
le-
ii-
u-
e-
ti-
a-
ite
n-
de
bis
na
ui
E
æ
if-
E-
ur
m
t;
ori
nt,
a-
in
as
vi-

—





h. 3, 60.

1,496

Vc
2621

ACTUM
CONSECRATIONIS CHRIS-
TIANÆ, VEL PARENTATIONIS

SERENISS

CIPIS

MAGI

NÆ

ELECTO

DU.

CISSÆ SAX

IACI,

CLIVIA

NATÆ MARC

GRANDE-

BURGICÆ, A

RUSSIÆ,

LANDGRAVIÆ THUR

Æ IN MISNIA,

UT ET SUPERIORI ET

BVRGGRAVIÆ

IN MAGDEBURG, CO

HENNEBERG,

COMITIS IN MAR

& BARBY,

DOMIN

DOMINÆ Q

OSTRÆ

CLE

BI



AD D. IV. M

II.

SOLENNISSIME SUBJECTISSIMEQUE CONCELEBRANDUM,
PROCERIBUS CIVIBUSQUE ACADEMICIS
INDICIT

ACADEMIÆ RECTOR.

